

古今圖書集成

四庫全書
四十九卷
戎政典

戎政典第三十九卷

兵制部彙考二十五

明志

嘉宗成化元年定團營會操日期及軍士違令之律又選陝西諸營精兵及鄜慶防秋軍分屯要害按明會典凡操練成化元年令大營提督官每月二次赴團營會操每年二月十五日上操五月十五日止八月十五日上操十一月十五日止歇操之日仍十日一赴教場點視凡行軍號令成化元年令總兵官出師臨敵軍士有違犯號令者聽以軍法從事尋常出哨等項不許又按會典凡郡王府校尉成化元年題准滿三十名者不必增添按大政紀成化元年二月兵部尙書王玘言延綏總兵張泰條陳安邊方略七事乞移文總兵巡撫等官奉行其一謂延綏慶陽等境廣袤千里甚宜耕牧但宜增立營堡以時啟閉且所轄東西二十五營堡兵不過一二百人難以應敵府谷縣境極于東偏西距諸營八百餘里猝難應援可選諸營精兵九千分爲六哨屯府谷神木二縣龍州榆林二城高家安邊二堡無事則巡歷邊境遇警則彼此應合又延安地臨極邊鄜州定邊慶

陽皆在腹裏遇警則難馳報況敵入寇必經邊堡過延安膚施甘泉等縣方到鄜州慶陽其鄜慶所屯防秋軍士二千乞分沿邊要害以備調用見今邊軍追捕虧損官馬無力賠償類多逃竄致戰守缺人乞令所司停免買賠庶不使軍馬兩失餘六事亦多行陣攻守之策宜擇其可行者行之

成化二年准武職考選例定漏報舍人妄報功次及荆襄屯守各邊烽堠諸制又詔設武宣等處巡檢司選練陝西土兵調補南北軍伍改置陝西諸墩堡摘軍哨守 按明會典凡軍政考選與文職考察同成化二年令軍政官五年一次通以見任掌印帶俸差操及新襲職官一體考選 成化二年令在京軍職漏報戶下舍人者發邊方立功三年 凡妄報功次成化二年令官軍妄報冒受陞賞者事發革去仍降原職役一級調衛差操 又按會典凡在京巡捕成化二年令緝獲妖言提督官陞一級官校給賞 又按會典湖廣防守成化二年題准荆襄在萬山中流民逃軍在彼躲住安遠縣又爲寫遠將革去荊州護衛官軍內查屯田近安遠者摘撥一千戶所發去該縣與民相兼修築城池設立千戶所衙門守禦地方如不穀就于別所湊撥遇賊生發隨卽撲滅 凡烽堠成化二年令邊墩舉放烽炮若見敵一二人至百餘人舉放一烽一炮五百人二烽二炮千人以上三烽三

四烽四炮萬人以上五烽五炮傳報得宜致寇敵者准奇功違者處以軍法

按大政紀成化二年正月都御史韓雍率兵平大藤峽獠賊巢穴蕩空謂賊窮而降不保其終于是奏設武宣縣東鄉巡檢司以土人李昇爲副巡檢貴縣北山巡檢司以土人陸善政爲副巡檢硃周冲巡檢司於勒馬灘以土人廖正爲副巡檢靖靈鄉巡檢司於獻俘灘以土人任中二爲副巡檢大宣鄉巡檢司以全扶寨爲副巡檢大黃口巡檢司以陸明貴爲副巡檢與流官巡檢同事思隆巡檢司碧灘驛俱改于碧灘設武靖州于峽內碧灘屬潯州以上隆州知州岑鐸知州事土人覃仲英世襲土官吏目李昇等皆久參戎伍故雍皆任之詔如雍議三月巡撫延綏都御史盧祥奏言營堡兵少而延安慶陽府州縣邊民多驍勇習見邊庭敢於戰鬪若選作土兵練習調用必能奮力各護其家有不待驅使者兵部覆奏請勅御史往會官點選于是延安之綏德州葭州慶陽之寧州環縣皆選民丁之壯者編成什伍號爲土兵每名量免戶租時得丁壯五千餘名委官訓練聽調由是土兵盛強而毛里孩連年入寇皆却之四月巡撫山西都御史李侃奏臣嘗讀唐陸贄論守邊事有曰北直窮邊寒風裂膚黃沙慘目自非生于其地者罕能窺其居而狎其敵也南際遐荒山巒瘴氣亦惟

生于其地者方能習服水土今南方之人補西北軍伍西北之人補南方軍伍各不相宜多致疾病遁逃俱不得用茲山西人當補南軍者就令補山西邊衛南方人當補北軍者就令補南方各衛庶乎各得其所而習于戰鬪矣事下兵部覆奏詳議檢閱今年南方各衛發冊所取山西軍丁幾何山西各衛發冊所取南方軍丁幾何若數目相當堪以兩易各于發冊取補詔可十一月整飭邊備兵部尙書王復奏臣奉整飭延綏寧夏甘涼兵備東自黃河岸府谷堡西止定邊營接寧夏花馬池東西縈紆二千餘里內多險阻境外臨邊無有屏障止藉墩臺城堡爲守備舊城堡二十五處參差不齊道路不均遠至百餘里近或五六十里兵馬屯操反居其內人民耕牧多在其外遇賊入境傳報倉卒調兵策應事已無及不過虛聲應援及西南直抵慶陽等處相離五六百里烽火不接北面沿邊一帶墩堡稀疏空闊難以瞭望臣與鎮守延綏慶陽等處總撫等官議府谷等十九堡俱係極邊要地必增置那移庶幾可守趁今聲息稍寧先行摘發軍餘採辦木植候春暖土開併力興工府谷堡移出芑州舊城東村堡移出高漢嶺響水堡移出黑河山土門堡移出十頃坪大兔鶻堡移出響鈴塔白落城堡移出甌營兒塞門堡移出務柳莊不惟東西對直捷徑而水草亦可便利內高家堡

至雙山堡榆林城寧塞營安邊營定邊營相去隔遠合于各該交界地名厓寺子三眼泉柳樹澗瓦
劉梁各添哨堡一座就于鄰近營堡量摘官軍哨守又于安邊營起每二十里築墩臺一座通共二
十四座連接慶陽定邊營起每二十里築墩臺一座共十座連接環縣俱于附近官軍量摘守瞭北
面沿邊一帶空遠者各添墩臺一座共三十四座隨其形勢以爲溝牆必須高深足以阻賊來路因
其舊堡廣其規制必須寬大足以積芻粟容客兵庶幾墩臺稠密營堡聯絡而緩急易于策應可以
壯振軍威矣 按明通紀成化二年春選陝西土兵時延綏守臣僉都御史盧祥等言營堡兵少
而延安慶陽府州縣邊民多驍勇習見邊庭敢爲戰鬪若選作土兵練習調用必能奮力各護其家
有不待驅使者兵部奏請勅御史往會官點選如延安之綏德州葭州慶陽之寧州環縣選其民丁
之壯者編成什伍號爲土兵原點民壯亦改此名其優恤之法每名量免戶租六石常存二丁貼其
力役五石以下者存三丁三石以下者存四丁時得丁壯五千餘名委官訓練聽調此陝西土兵之
所由始也

成化三年分京營爲十二團營定清查糧冊役占軍士之例 按明會典成化三年京營分爲十二

團營 凡考闕成化三年令各營官軍糧冊每三年兵部委官同科道官清查凡軍士有事故者每季委官查勘三箇月一開報操官在逃者每月類叅 又按會典清理軍伍成化三年題准兩京原差存恤給事中御史部屬官每年終弔查糧冊如有買閒等弊依律叅究仍將查過軍數具奏其查對糧冊止于兩京兵部取數不必拘各衛所官比較若見役與糧冊不對者照刷卷事例行拘各衛首領官吏查問在外衛所照例行巡按御史公同按察司分巡官并直隸知府每三年一次清查

凡役占軍士降級成化三年令坐營把總以下官役占軍士自一名至五名俱降一級五名以上降二級甚者罷職充軍仍發邊衛守禦 按明通紀成化三年十二月始立十二團營京營之制國初止有五軍營中軍左右翼及左右哨是也永樂初始以龍旗下三千邊騎立三千營後征交趾得神鎗火箭之法立神機營是爲三大營居常則五軍以肄營陣三千以肄巡哨神機以肄鎗手駕親征則大營居中營外分駐五軍步卒居內騎卒居外其外爲神機營又其外有長圍各周二十里令軍中樵採皆不得出圍外景泰初選三大營精銳官軍分立十營團操以備警急調用是爲團營天順初罷至八年復置成化初復罷至是復置抽選三大營精兵分爲十二營曰奮武耀武練武顯武

敢勇果勇效勇鼓勇立威申威揚威震威每營各有坐營把總等官總之若遇出征卽量調而行三大營所存老弱無幾名曰老家兒備營造差撥等用其十二團營益以北直隸各衛及山東河南江北各都司衛所精兵共二十五萬實之分爲春秋二班團營聽征此經營制度之大略也 按續

文獻通考憲宗成化初又罷京營團操三年冬十二月始立十二團營法時議抽選京衛抗健八萬外衛八萬外衛者分二班每班四萬連京衛共十二萬分爲十二營曰奮武曰耀武曰練武曰顯武曰敢勇曰果勇曰效勇曰鼓勇曰立威曰伸威曰揚威曰振威是爲十二團營而三大營官軍之數不與焉每營各分五軍三千神機三營五軍營管內外馬步官軍三千營管內外馬隊官軍神機營管內外步隊官軍每營各設坐營把總等官統之若遇出征卽量調而行三大營所揀存老弱者名曰老家兒專備營造差撥等用十二團營益以北直隸各衛及山東河南江北各都司衛所精兵并三大營兵共二十五萬實之分爲春秋二班團操聽征十二營之制又自此始蓋從馬文襄所議立也又有將軍營者錦衣衛侍衛自爲一營也遇下班之日照例操練從管領侍衛提督有四衛營者騰驤左等衛勇士軍人餘丁別爲一營也從御馬監官提督練操其坐營等官並於四衛指揮等

官推選

成化四年定沿邊備操班期專督五城兵馬捕盜 按明會典凡班軍成化四年令沿邊備操官軍一年一班每班以十月初到明年十月滿復留與次班守冬至後年正月放還以後班次皆然 凡京城巡捕成化四年以京城內外多盜令錦衣衛指揮一員同巡城御史專一提督五城兵馬并巡捕官校挨拏

成化五年令宗室不僉校尉優給軍職病故添設陝西諸衛所撥兵防守 按明會典凡宗室儀從成化五年令宗室將軍數僉換校尉難爲常例其餘只用儀從 又按會典凡優給軍職病故成化五年令世襲官陣亡其子幼小合陞流官者依該陞俸優給流官病故其子止給世襲俸 按大政紀成化五年正月都御史項忠奏石城迤北古西安州添設一千戶所除官撥軍防守又以固原千戶所改爲固原衛奏選指揮等官苗鳳等七十餘員理衛事復添設兵備僉事一員舉鞏昌府階州知州楊勉任之項忠等遂班師二月總督陝西軍務都御史項忠奏固原地方止于千里水草豐茂畜牧蕃多內爲土寇巢穴外爲北邊出沒守城惟一千戶所軍少勢孤是以滿四陸梁捍禦無策

州北有西安廢城相距三百餘里敵每由此長驅宜於此添設一衛一所以扼其要衝事下兵部議如其言

成化六年定民人獲功及軍戶夜不收之令又以兵部尚書白圭奏准疎放幼軍諸例 按明會典成化六年令凡民人獲功不願陞總小旗者給與冠帶終身又例凡總小旗嫡派幼小次房子孫暫補後獲功陞一級者嫡派改襲祖役本人准軍餘例充小旗 六年令軍戶不許將弟男子姪過房與人脫免軍伍 凡夜不收起境哨探被賊殺死者六年令陞賞依陣亡例奪去馬匹免追 按大政紀成化六年二月兵部尚書白圭奏疎放幼軍緝提軍官并收充將軍俱不引奏從之 府軍前衛幼軍及年六十驗有老疾者兵部引至御前奏過疎放京營軍職避事逃者管隊官具奏通政司引奏緝提軍民身軀長大自願投充將軍者通政亦引奏圭以幼軍疎放多疲癯殘疾之人職官不當在逃恐四裔來朝者在廷觀望不美故奏止之收將軍細事不當煩瀆聖聰故禁之成化七年奏准嚴守衛清軍伍又定優養例及移軍守梧州 按明會典凡朝門雜禁成化七年奏准各門守衛官軍務遵舊制嚴加搜檢但有無名之人及假帶牌面者就便拏送究問 又按會典

凡清理軍伍七年題准差委清軍官先清衛所後清有司彼此互查分豁回報事完各造冊二本奏繳一送兵科一送兵部清理之後新有逃亡事故者各取衛所呈報依例行該有司作急清解完卷或五年或七年一次清理本部申明舉行 又按會典凡優養成化七年令戶絕官優養不分新舊母女俱月支米五石妻二石母妻終身女係新官者出嫁住支係舊官者十四歲住支犯奸及改節者不准 按大政紀成化七年二月總督兩廣韓雍等奏近立總府於梧州守禦士卒止三百餘人乞移奉議衛官軍駐梧州以守城池又梧州舊城三面距山內包高山難容士馬城東南有教場遺趾欲別立城聯絡相通詔可

成化八年許過犯武職考選及令造京軍清冊 按明會典凡過犯考選成化八年令帶俸武職先雖犯罪後能改過自新父祖雖爲事或脫逃子孫能自立行止有守有爲者并許考選管事又議准有犯監守自盜受財枉法及求索科斂誑騙等項流罪減至杖一百徒三年贖罪還職例應帶俸不許管軍管事者若係腹裏仍分撥各邊上班操備不許營求管隊等項過警與邊衛帶俸差操官隨軍殺賊下班回衛五年內能改過自新照例會選軍政管事如再犯終身輪班赴邊操備不許會選

又按會典凡清理軍伍八年令在京軍每三年一清理各營軍士仍分豁差遣等項名目造冊備照

成化十年定衛所軍冊違限例 按明會典成化十年題准凡衛所編造軍冊每年限五月以裏差有職役人員送部違者照官軍馬羸文冊例罰米當該官吏論日住俸問罪若造冊三分不完者官罰俸一月該吏提問如官吏依限發冊而所差人自違悞者止坐本人

成化十一年定軍官罪調之例嚴守衛點閘及准清軍賞罰編造冊軍之制 按明會典凡犯罪問

調成化十一年令指揮以下都指揮以上宿娼俱調別衛帶俸差操犯奸盜和買樂婦娶有夫之妻同 又按會典凡皇城四門巡視成化十一年令留守衛官每日巡行各門點閘二次 又按會典

凡清軍賞罰成化十一年題准凡清軍以十分爲率能清三分以上不枉平民者御史及兩司官兵部奏請陞擢府州縣官量加俸級不及數併枉人者御史從都察院考察兩司官兵部叅奏府州縣行吏部黜責 凡編造冊軍十一年題准各處清軍御史及兵部委官督各衛所將原管旗軍不分見在逃故備開充軍改調來歷并節次補役姓名每布政司每直隸府攢造一處各一樣二本送部

一本存留備照一本送御史查對如稱某衛充軍而某衛冊內無本軍名伍者解部定奪或發附近衛所收操以後遇發到清勾文冊只將前冊查對清理又令各處清軍御史將兵部發去各衛所造報旗軍文冊對查軍民二冊以防欺隱其冊府州縣各謄一本備照

成化十二年定內外官軍諸制又僉軍防守薊州關堡按明會典成化十二年令輪操官軍有違限一箇月之上者叅問其撥補逃故等項違兩箇月之上者解人連坐若軍士一班不到者罰班六箇月軍兩班官一班不到者發居庸密雲山海關罰班六箇月軍三班官兩班不到者發大同宣府邊衛罰班一年官三班不到者發邊衛罰班一年其補班月日各另扣算俱先送法司問罪畢日免其納鈔杖斷送回兵部發遣自首者止問越關等罪照例補操罰班免發邊衛若見操在逃一次至三次應罰操者比前例遞減一等前項自首及該班不到并承批管解捏故軍職俱不必叅奏徑自送問成化十二年題准凡在京存恤等官及在外清軍御史督同委官每年十月終查有官旗不行鈴束撫恤軍士致令在逃者量其多寡扣算叅究拏問若軍人畏懼差操自行逃躲者並以軍政條例問究又按會典凡常朝門禁成化十二年奏准每日長安左右門初開先放常朝及見辭等

項官吏盡絕方許驗牌放進各監局工役人等有攙越混進及夾帶財物入內買賣者守衛官具奏治罪 凡守衛軍器成化十二年令皇城守門內臣督令各該管官軍俱照分守地方披戴盔甲列持器械逐人檢察其城外紅鋪并九門軍器等件亦要槩架整齊以時執把俱不許散漫怠玩違者許點城官并兵部查問 又按會典凡勾補軍士成化十二年題准凡挨無名籍軍士同隸一府者備造通知小冊各州縣互相挨查解補不許虛應故事亦不許妄將平民擾害 凡禁止妄勾十二年題准凡軍丁解衛卽查缺收伍住勾如有名貫不同轉解本處清軍御史查審定奪不許隨批帶回如果本軍正餘不缺照例發回聽繼其原批開係查理者仍聽查勘定奪不許濫收若捏故將軍士發回隨復勾擾聽清軍御史究問 凡開伍免勾十二年題准凡垛集軍有陞官者其貼戶停勾聽繼達年無勾軍審究得實行該衛查勘不必起解戶丁 凡改編調衛十二年題准凡清出雲貴夷人該解遼東等邊衛并千里之外者及事故官員人等遣下親屬寄住年遠願補充無勾軍役者俱免起解編發本處邊衛行移原衛開豁若是土民坐勾該解腹裏衛所照舊起解如有捏故避遠投近者並聽拏問仍解原衛著伍 凡附近寄操成化十二年題准凡清出雲廣福建極邊衛分遠

年無勾軍士或自首或被入首者行查原衛果無名籍發附近食糧寄操若來歷明白仍解原衛
凡清查寄籍十二年題准調衛戶下餘丁寄籍有司者若違調二三千之外後調衛所正餘不缺
聽留一丁於有司種辦糧差其餘悉收原衛所操守如後調衛所缺人行原衛餘丁內取解不許於
原籍勾擾其調衛在千里之內者餘丁照例回營 按大政紀成化十二年八月薊州等處總兵
右都督馮宗等奏言薊州沿邊關堡官軍舊額二萬九千八百餘人今逃者已逾三千無可調補乞
行法司問撥謫戍囚徒量充三五百人及雲南兩廣逃避軍役者潛住境內容招集收用且喜峰口
羅文峪黃崖口劉家口石門子一片石桃林口等關俱係通寇要路官軍防守不周欲遷所屬軍衛
有司舍餘民壯編伍教練遇冬協守春深放免事下兵部言謫戍囚徒宜行令法司區處就近收附
遠方逃伍軍丁例已禁止曩者巡撫都御史閻本營奏允四方軍民人等願投軍自效者聽令收役
宜移文宗等會議如例舉行其餘民壯俟邊有急斟酌選用從之

成化十三年定軍官考選例又准收役衛所軍人及調衛軍裝清伍諸例 按明會典凡五府屬衛

成化十三年議准兵部會同五府官通行考選軍政官如舊額俱限年二十五歲以上五十歲以下

有六十以上精力未衰者驗實存留見任不敷許選別衛先儘見任次帶俸凡遇在外五年考選之期在京亦復舉行南京衛所照例其終身帶俸官降犯貪淫五年之外能改過自新者從撫按官保用 凡錦衣衛官成化十三年令見任管事有係中官并文武大臣弟男子姪及各衛欽陞者兵部會同該衛堂上官嚴加考選果廉能可用仍舊不堪者俱令帶俸 凡軍政考選成化十三年令兩京通考自是以爲常考選之法兵部預先通行南北直隸浙江等處巡撫都御史轉行都布按三司掌印官各將所屬衛所副叅遊以下千戶以上賢否履歷訪察明白各註考語徑送撫按官處另註考語造冊三本限四月終旬差人齎部至期各叅遊都司守備操守等官兵部會同兵科叅詳去留上請定奪仍聽科道拾遺其都司衛所官撫按照例會官從公考選進退仍將考選官員職名造冊奏繳到部覆奏定奪 又按會典凡收補軍士成化十三年題准各處衛所軍人陞職調衛等項遺下弟姪義男女婿及迷失鄉貫人等有情願於附近衛所投軍者保勘無礙准令著役 又按會典凡改編調衛十三年奏准凡收發附近軍士除天順六年四月十九日以前編定不動外以後告投者不許其在附近處所逃者依正統二年例連妻小押解原衛 又奏准凡廣西鄰近賊洞處所軍

丁有該解遼東等衛并千里之外者及失迷鄉貫之人願充無勾軍役者俱編本處邊衛當軍行移原伍開豁 凡軍裝盤纏成化十三年奏准起解軍除子孫應繼者令津貼軍裝但有職役者不許勒取 凡清理軍伍十三年奏准凡各官舍餘各清軍御史嚴查清審存留幫軍分撥差操若隱瞞不報者許諸人首告指揮千百戶有受財包占私役辦納月糧者聽清軍御史叅奏挈問 又奏准凡清理逃故等項軍士各清軍御史著落都司定委軍政都指揮一員衛所委軍政佐貳指揮千百戶各一員專職其事務要盡數清出造冊送部冊後附寫當該官吏并清軍官委姓名以備查考成化十四年定軍功陞賞諸制及校尉替補清軍賞罰之例 按明會典凡在外衛所官功陞成化十四年奏准各衛指揮功陞都指揮者俱改註都司在內者仍舊又奏准在外衛所千百戶功陞指揮者比與指揮陞都指揮流官不同俱令於該衛原係帶俸并帶俸管事者量與軍餘四名不許列衛公座若考選軍政者不在此限 凡京衛軍政官成化十四年議准每衛各選指揮一員專管屯田馬政等事一體僉書 凡陝西甘肅四川貴州湖廣兩廣蕃賊苗蠻成化十四年申明一人擒斬三名顆陞一級至九名顆陞三級驗係壯男與實授幼男婦女與十名顆以上并不及數者俱給賞